



gazeTi gamodis  
1931 wl is 5 ianvridan

# ალიონი

საზოგადოებრივ-პოლიტიკური გაზეთი [www.alion.ge](http://www.alion.ge)

ყოველკვირეული გამოშვება  
ფასი 20 თეთრი

## ექიმების გულგარეობა პიკს მიაღწია

ბაზაში „ალიონი“



საქართველოს პრემიერ-მინისტრ ბიძინა ივანიშვილთან გამართულ ერთ-ერთ პრესკონფერენციაზე გაზეთმა „ალიონმა“ ვანდაცვაში, კერძოდ „მედალფასი“ არსებულ პრობლემებზე დასვა კითხვა. ამ თემაზე რამდენიმე სტატია მომზადდა. ბოლო თვეებში ექიმების უკმაყოფილება კვლავ გაიზარდა.

სამედიცინო პერსონალისაგან არაერთი საყვედური გვესმოდა შპს „მედალფასი“ ხელმძღვანელთა მიმართ, რომ მათ სასწრაფო სამედიცინო დახმარების 53 თანამშრომელს და სოფლის სამედიცინო პერსონალს ხელფასები 25 პროცენტით შეუმცირეს.

ერთ-ერთი ინფორმაციით, ზამთარში, სასწრაფო დახმარების ბრიგადა ავარიაში მოჰყვა. ავტომანქანა დაზიანდა. ექიმმა ლალი გაგუამ და ექთანმა ტრავმა მიიღეს. ექიმს სერიოზული მკურნალობა დასჭირდა და „მედალფასი“ კლინიკაში საკმაო მოვულობის თანხა გადაახდევინეს.

„მედალფასი“ კლინიკის ექიმები გვიყვებოდნენ, რომ მათი ანაზღაურების სიმწირეს დიდდ უწყობს ხელს დირექციის გაზრდილი ხარჯები. მართალია მათ კლინიკას სასტუმროც აქვს, მაგრამ თბილისიდან მოვლენილნი ხშირად ბათუმის სასტუმროებში მიდიან და ექვე გარკვეულწილად ზრდის კლინიკის ხარჯებს.

არას გამობთ კლინიკაში არსებულ სიციფროზე. არც თუ იშვიათად მამაკაცი და ქალი პაციენტი ერთსა და იმავე პალატაშია მოთავსებული (!?)...

დღეს ექიმები გურიის სამხე მუნიციპალიტეტიდან, ვერ პარლამენტის ვიცე-სპიკერს ზურაბ აბაშიძეს შეხვდნენ, ხოლო შემდეგ ოზურგეთის მაჟორიტარ დეპუტატს ზვიად კვაჭანტირაძეს და „ქართული ოცნების“ ოზურგეთის ორგანიზაციის თავმჯდომარე დავით დარჩიას. შეხვედრას შპს „მედალფასი“ გენერალური დირექტორი კახი მუხიგულაშვილი და დირექტორი ლევან ანათაძე შემოუერთდნენ.

სასწრაფოს ექიმების თქმით, მათ მასიდან ხელფასის 25 პროცენტით ჩამოაჭრეს.

**ირმა გორგოშიძე**, ექიმი: -120 ლარი ჩამოგვაჭრეს, ეს უსამართლობაა. სხვა პროფესიის ადამიანებს ხელფასებს უმატებენ. რა დასაყვეს ექიმებმა?

**თამარ თალაკვაძე**, სოფდვანსუს ექიმი: - ვიყავით მეწარმე ოურიდიული პირები. შემდეგ „მედალფასი“ გადაგვცეს. ჩვენი ამბულატორია 500 ლარს ღებულობდა ყოველთვიურად, რომელიც უნდა გადასწავილებულიყო ხელფასებზე, მდიკამენტებზე, საკანცელარო ნივთებზე, გათბობაზე და სხვა ხარჯებზე. ამ თანხიდან 20 პროცენ-

ტი საშემოსავლოში იქვითება, ამას კიდევ თუ 25 პროცენტს მოაკლებენ, რაღა რჩება, როგორ ვიმუშაოთ?...

**ზენაბ ხვედელიძე**, სოფ. კონხარი (ჩოხატაური):-ჩვენ ვიმუშაობთ წვიმაში, ქარში, პასუხისმგებლობა დიდია. 200 ლარად შეიძლება მუშაობა?

**რუსიკო ონანი**, სოფ. ბუკისციხე (ჩოხატაური):- ხელშეკრულება ხელფასის დაკავებას არ ითვალისწინებს...

**ღონარა ორმოცაძე**, (ლანჩხუთი)-რატომ არ იცავს ჩვენს უფლებებს სახელმწიფო?

ექიმები აცხადებდნენ, რომ გამაფრთხილებელ გაფიცვას მოაწყობდნენ. ისიც კი გაგვანდეს, რომ „მედალფასი“ კლინიკის ხელმძღვანელები გაფიცვის შემთხვევაში დატყუდდებიან...

შპს „მედალფასი“ გენერალური დირექტორის **კახი მუხიგულაშვილის** განმარტებით, სადაზღვევო კომპანია „ალიფა“ ვერ მიიღო ფული სახელმწიფოსაგან და შესაბამისად „მედალფასი“ კლინიკას ბოლო პერიოდში 35 ათასი ლარი დააკლდა. ეს მცირე თანხა არ არის და ამან გამოიწვია ხელფასების 25 პროცენტის ჩამოჭრა.

„მედალფასი“ ჩართული იყო სახელმწიფო პროგრამაში და ჰქონდა ვალდებულება, პროგრამა დაეფინანსებოდა 50 პროცენტით, ხოლო ამ თანხის მცირე ნაწილს იხდიდა სახელმწიფო. იგივე სიტუაცია იყო სასწრაფო სამედიცინო დახმარების სამსახურთან მიმართებაში. რამდენიმე თვის წინ „მედალფასი“ ამ პროგრამიდან (218 დადგენილება) გავიდა, რადგან „მედალფასი“ წავებაზე იყო.

ჩვენ ვართ პროვაიდერი კომპანია. სახელმწიფომ აღარ ჩაურცილა თანხის 25 % „ალიფას“ და ჩვენც იძულებითი ნაბიჯი გადავდგით. ჩვენ ამ თანხას ექიმებს არ ვართმევთ, როგორც კი გადმოგვირიცხავენ, ავანაზღაურებთ. ვფიქრობთ, ეს აგვისტოს ბოლოს მოხდება...

დეპუტატ **ზვიად კვაჭანტირაძის** აზრით, პრობლემა არსებობს სახელმწიფოს, სადაზღვევო კომპანია „ალიფას“ და „მედალფასი“ შორის. ეს თემა შესასწავლია, რაზედაც იგი, შპს-ის, პოლიტსაბჭოს სხდომაზე საქართველოს პრემიერ-მინისტრ ბიძინა ივანიშვილთან აპირებს საკითხის დაყენებას. იგი დემოკრატიული ჩართულობის ცენტრში თავმჯდომარე ექიმებს ვანდაცვის მინისტრ სერგი ჯიხიაშვილთან და პარლამენტის დარგობრივი კომისიის თავმჯდომარე ზურაბ აბაშიძისთან შეხვედრასაც შეჰპირდა.

შეხვედრის დასრულების შემდეგ ერთ-ერთმა ექიმმა ჩვენთან ასე გამოხატა თავისი გულისტკივილი: - სადაზღვევო კომპანია „ალიფა“, „მედალფასი“ და ფარმაცევტული ბაზრის უდიდესი წილი ერთ კაცს ეკუთვნის. გადახვედეთ ქართველ მილიონერთა სასს, სადა ამოყო მოკლე დროში თავი პატა კურტანიძე. რატომ უნდა აფინანსებდეს სახელმწიფო ასეთ კომპანიას? იქნებ ალტერნატიული კლინიკების შექმნაზე ვფიქრობთ. მაშინ ექიმები ასე უსუსურ სიტუაციაში არ ვიქნებოდით...

**P.S.** გაზეთი „ალიონი“ შეცვალა თუ რა რეაგირება მოყვა ექიმების აქციას პოლიტსაბჭოს სხდომაზე, მაჟორიტარ დეპუტატ ზვიად კვაჭანტირაძისაგან მიღო ინფორმაცია, ვერჯერობით პასუხი არ მიგვიღია.

## ოზურგეთის მუნიციპალიტეტის წინ კარვები აიღეს

ნუგზარ ოთარიაშვილი

26 ივლისს, ოცდამეცამეტე დღეს ოზურგეთის მუნიციპალიტეტის წინ მიმდინარე აქციის მონაწილეებმა კარვები აიღეს და აქცია შეწყდა. ამ გადაწყვეტილების მიღებას წინ უძღოდა აქციის მონაწილეებთან მაჟორიტარი დეპუტატის ზვიად კვაჭანტირაძის შეხვედრა, სადაც ამ თემაზე ჰქონდათ საუბარი. წინა დღით დეპუტატმა პირველ რადიოსთან განაცხადა, რომ „მე არ მაქვს კარვების ორგანიზებასთან არანაირი კავშირი, პირიქით, მიმანია, რომ ეს არ არის პოლიტიკის სწორი ფორმა.“



28/07/2013 12:59

მართალია, ფურნალისტებთან გამართულ შეხვედრაზე აქციის ორგანიზატორები კვაჭანტირაძის ფაქტორს გვერდს უვლიდნენ, მაგრამ საზოგადოებაში გავრცელებული ინფორმაციით, დეპუტატის მითითებამ გადააწყვეტინა აქციის ორგანიზატორებს კარვების აღება. აქციის მონაწილეებმა მადლობა გადაუხადეს ადგილობრივ მედიასაშუალებებს და ცენტრალური ტელევიზიების წარმომადგენლებს აქციის მიმდინარეობის ობიექტურად გაშუქებისათვის.

გაზეთი „ალიონი“ აქციის ერთერთ ორგანიზატორს, კოალიცია „ქართული ოცნების“ წევრს **ნუგზარ გიორგაძეს** ესაუბრა:

**—რა ფაქტორმა გადააწყვეტინა აქციის შეწყვეტა? ხომ არ უკავშირდება იგი წუხელ, მაჟორიტარ დეპუტატთან შეხვედრას?**

—ჩვენ ზვიადისთან არ ვყოფილვართ შეთანხმებული არც კარვის გაშლაზე და არც აღებაზე. ეს აქცია იმ ვნებათაღელვამ გამოიწვია, რაც 2012 წლის 1 ოქტომბრის არჩევნების შემდეგ განვითარდა ოზურგეთში. ჩვენ ვითხოვდით სამართლიანობის

აღდგენას და ვეძებთ ბიძინა ივანიშვილის გვერდით. ის ხალხი, რომლებიც აქციაში იღებდნენ მონაწილეობას, იყვნენ „ქართული ოცნების“ კოორდინატორები, ქვეკოორდინატორები და დიდი წვლილი მიუძღვით თავიანთ უბნებზე „ქართული ოცნების“ გამარჯვებაში. ეს ხალხი არჩევნების შემდეგ იგნორირებული იყვნენ. ფაქტურად „ქართული ოცნება“ დააკომპლექტეს იმ ხალხით, ვისაც ჩვენ ვებრძოდით. „ქართულ ოცნებაში“ ის ხალხი აღმოჩნდნენ, ვინც ნაციონალებს უჭერდნენ მხარს.

2013 წლის 24 ივნისს, საკრებულოს თავმჯდომარის არჩევნებმა დაადასტურა, ის, რასაც ჩვენ ვეჭვობდით, — ოზურგეთის მკურნალობა-ხეველიძის კადრები მართავენ.

ამ არჩევნებზე კოალიციის კადრი იყო დიმიტრი კვერციანი, რომელსაც მხარს უჭერდა მაჟორიტარი დეპუტატი. ზვიადის აზრი იგნორირებული იქნა ნაციონალური მოძრაობის გამარჯვების მიზნით. ფაქტურად, ამ ხალხმა ითამაშა ნაციონალური ლიდერების თამაში. ამ ყველაფერს უხმოდ და წყნარად ხელმძღვანელობდა გურიის ვიცე-გუბერნატორი ლელა თავართქილაძე.



## გვ-2 კონსტიტუციაში ცვლილებების განხილვა ოზურგეთშიც შედგა

ოზურგეთის დემოკრატიული ჩართულობის ცენტრში საქართველოს კონსტიტუციაში ცვლილებების შეტანის შესახებ საქართველოს კონსტიტუციური კანონის საერთო-სახალხო განხილვა შედგა.

შეხვედრაზე, რომელსაც უძღვებოდნენ საპარლამენტო უმრავლესობის წევრი, კომისიის თავმჯდომარე ზურაბ აბაშიძე, დეპუტატები გიორგი კახიანი და ზვიად კვაჭანტირაძე, განიხილეს საკონსტიტუციო ცვლილებების სამი პროექტი

საქართველოს პრეზიდენტის, პრემიერ-მინისტრის და პარლამენტის თავმჯდომარის თანამდებობის დაკავებასთან დაკავშირებით.

ასევე განიხილეს ცვლილებების პროექტი პარლამენტის მიერ მთავრობის შემადგენლობაში ცვლილებების შეტანაზე კონტროლის შესახებ და კონსტიტუციაში ცვლილებების შესატანად საჭირო კვორუმთან დაკავშირებით.

ოზურგეთიდან განხილვაში აქტიური მონაწილეობა მიიღეს.

## 7 დღის ამინდის პროგნოზი

	<b>წვიმა</b> +17+22		<b>წვიმა</b> +16+24		<b>მზა, ღრუბლი</b> +15+24		<b>მზა, ღრუბლი</b> +18+26		<b>მზა, ღრუბლი</b> +18+24		<b>წვიმა</b> +17+24	
29 ივლისი ორშაბათი		30 ივლისი სამშაბათი		31 ივლისი ოთხშაბათი		1 აგვისტო ხუთშაბათი		2 აგვისტო პარასკევი		3 აგვისტო შაბათი		4 აგვისტო კვირა

# ნესტან კირთაძე ოგურბეთელ შერეობას უხედავ

გურიაში თავისუფალი ბიზნესის განვითარების რეალურ პერსპექტივებთან დაკავშირებით ოგურბეთის დემოკრატიული ჩართულობის ცენტრში საზოგადოებრივი ორგანიზაცია „სასალო მოძრაობის“ ხელმძღვანელი ნესტან კირთაძე გურის მცირე და საშუალო ბიზნესის წარმომადგენლებს შეხვდა.

ყოფილი პარლამენტარი ნესტან კირთაძე პრეზიდენტობის სახალხო კანდიდატია „სასალო მოძრაობიდან“, მაგრამ როგორც მან განაცხადა ოგურბეთში იგი სხვა მისიით ჩამოვიდა.

ჩვენ დაგაფუძნეთ ქართულ-აფხაზური და ოსური მოძრაობა, რომელიც ევროპული ორგანიზაცია და მისი შტაბ-ბინა ბრუსელშია. ასევე გადმოგცეს ოფისები პარიზში, ნიუ-იორკში, ბერლინში და ტოკიოში.

მივალწიეთ შეთანხმებას ევროპარლამენტის, ევროკავშირის და ევროპული ინსტიტუტების დონეზე, რომ საქართველოში მცირე და საშუალო ბიზნესის განვითარებისათვის რამდენიმე მილიარდიანი დაფინანსება გამოვიყვიან. ამ თანხით თქვენ და თქვენარი მცირე და საშუალო ბიზნესის წარმომადგენლებს დაგაფინანსებთ.

საზოგადოება „ელკანას“ ადგილობრივი ხელმძღვანელის ვაბა ჭიჭიშვილის თქმით, დაფინანსების შემთხვევაში, შესაძლებელია კვიის, თხილის, ციტრუსის და მეფუტკრეობის განვითარება, დღედაღამ



მუშაობენ, მაგრამ უსასხრობის გამო საშველი არ არის. არ დააფინანსეს მეფუტკრეობის სკოლა, რომელმაც არაერთი მეფუტკრე გამოზარდა. შესაძლებელია სანერგე მეურნეობის მოწყობა, სადაც ადგილობრივ, პერსპექტიულ ვიშებს გაამრავლებენ. ბანკი იძლევა 21%-იან სესხს, რომელიც შემდეგ 36%-იანი ხდება.

ჩაის პერსპექტივებზე მცირე მეწარმე ილია ბასილაშვილმა ისაუბრა, ხოლო მეფუტკრეობის და სხვა დარგების პერსპექტივებზე – თამაზ ლლონტმა.

ნესტან კირთაძემ არ გამოიციხა მომავალში გურის ადორბინების ფონდის შექმნა.

# მაქორიბარი ღვაწაბი სოფლის მეურნეობის მინისტრისაბან პასუხს ითხოვს

როგორც საქართველოს პარლამენტის მაქორიბარი დეპუტატის ბორის პრესამსახურის უფროსმა ნინო კუკულაძემ გვაცნობა, ზვიად კვაჭანტირაძემ ოფიციალური წერილით მიმართა საქართველოს სოფლის მეურნეობის მინისტრს შალვა ფიფიას, თუ რა ღონისძიებები ხორციელდება სიდიან ამოვარდნილი დარგების რეაბილიტაციის მოქალაქეების კუთვნილი სასოფლო-სამეურნეო ბარათების მისაღებად. (ოგურბეთში 2700 ოჯახია დარჩენილი სასოფლო-სამეურნეო ბარათის გარეშე).



გთავაზობთ ამონარიდს მინისტრის პირველი მოადგილის დავით შერვაშიძის პასუხიდან:

„აპრილის თვის პირველ ნახევარში სამინისტრომ მიიღო საქართველოს მსმშტბით მუნიციპალიტეტებიდან დასრულებული მონაცემების მიღება იმ ბენეფიციარების შესახებ, რომლებიც დამატებით სიების პრობლემატურ ბენეფიციარებს წარმოადგენდნენ და მათი მონაცემები კვლავ ოფიციალურად გადასამოწმებლად გადაუგზავნა საქართველოს ოუსტიციის სამინისტროს სახელმწიფო სერვისის განვითარების სააგენტოს, რათა დაედასტურებინათ სასოფლო-სამეურნეო დანიშნულების მიწის შესაკუთრება და მოსარგებლეთა პირადი მონაცემების სიზუსტე. სააგენტოდან მიღებულ მონაცემებზე დაყრდნობით, დაიბეჭდა დამატებითი სიების გასწორებულ პრობლემატურ ბენეფიციარებზე (როგორც კომბინირებული, ასევე ნომინალური) ბარათები და სამინისტრომ უზრუნველყო მათი დასაწყისში მათი

ადგილზე ჩატანა. ყოველივე ზემოაღნიშნულიდან გამომდინარე, კიდევ ერთხელ გვინდა აღვნიშნოთ, რომ საქართველოს სოფლის მეურნეობის სამინისტრომ მცირემიწიან ფერმერთა ხელშეწყობის პროექტის განხორციელებისას იხელმძღვანელა მუნიციპალიტეტებიდან მიღებული როგორც ძირითადი, ასევე დამატებითი სიებით და მოსახლეობის ის კატეგორია, ვინც 2012 წლის ნოემბრიდან დაწყებული 2013 წლის მარტამდე სიების შედგენის დროს ვერ მოხვდა როგორც ძირითად, ასევე დამატებით სიებში, არის მხოლოდ და მხოლოდ ადგილობრივი თვითმმართველობის ორგანოების მიხედვით გამოწვეული. რაც შეეხება მცირე მიწიან ფერმერთა ხელშეწყობის პროექტის ფარგლებში ახალი დამატებითი სიების მიღების საკითხს, ამ დროისათვის სასოფლო-სამეურნეო ბარათების ბეჭდვა დასრულებულია, ვინაიდან საგაზაფხულო სამუშაოების აგროვადები თითქმის ამოწურულია.“

# ოგურბეთის მუნიციპალიტეტის წინ პარკები აიღეს

ჩვენ არ ვებრძვით ნაციონალებს, მაგრამ ჩვენმა მღელვარებამ 24 ივნისს მიაღწია პიკს, როდესაც ნაციონალებმა გაიფანჯეს თავიანთი კანდიდატი.

ჩვენ კანონმორჩილი ხალხი ვართ. თუ კანონმორჩილი არ იქნები, ისე სახელმწიფო არ განვითარდება. ჩვენ 24 ივნისს დავინახეთ ადგილობრივი ლიდერების სახე, (აქ არ ვგულისხმობ შოთა გოგიბერიძეს, ტიფო მიქატაძეს, დიმა კვერციანიძეს). მოვა ადგილობრივი არჩევნები და ხალხი გასცემს ვეგლას სათანადო პასუხს.

– და მაინც, რა გახდა აქციის შეწყვეტის კონკრეტული მიზეზი?

– კარავში ჩვენ 33 დღე გავატარეთ. ჩვენ გავაგზავნეთ პეტიციები 11 უწყებაში, რომელშიც დაყენებული მოთხოვნებიდან ნაწილი დაკმაყოფილდა, მიმდინარეობს გამოძიება. ჩვენ ამ „სეფიდან“ სახელმწიფოს არ ვუპირისპირდებით. ჩვენ გვქონა ჩვენი მოთხოვნები, რომელთა შესრულება დაიძრა ადგილიდან. (გაიგებდით, კოალიციის ახალი ლიდერი ეყოლება ოგურბეთს). არ გვიინდა ასეთი აქციები ავადმყოფობასავით გადასულიყო სხვაგან, ამიტომ ვწყვეტთ აქციას.

– იცნობთ კოალიცია „ქართული ოცნების“ ადგილობრივი ორგანიზაციის ახალ ლიდერს?

– არ ვიცნობ, პოლიტსაბჭომ გადაწყვიტა ასე. დარწმუნებული ვართ, ისინი არ დაუშვებდნენ იმ შეცდომას, რაც წინასაარჩევნო პერიოდში იქნა დაშვებული....

– თქვენ 23 მარტს სტიქიის შედეგად

დაზარალებულთათვის დახმარების გამოყოფის შემოწმების საკითხსაც აყენებთ...

– ჩვენ სამართალდამცავებიდან მოვითხოვეთ ამ დახმარების თემაზე გაემაზვინებინათ ყურადღება. ჩვენთვის არ მოუწოდებიათ ეს საჯარო ინფორმაციები. იმედია, სამართალდამცავებს მიაწოდებენ.

– საპრეზიდენტო არჩევნების წინაპერიოდია. რა წვლილი შეიტანთ ამ არჩევნებში?

– ჩვენ ვბრძობდით გავიღეს „ქართული ოცნების“ კანდიდატი.

– დღეს თქვენთან არ არის თქვენი აქციის ერთ-ერთი ორგანიზატორი ლელა ნაცვალაძე...

– ლელა თითქმის 9 წელია ებრძვის უსამართლობას. ბოლო დღეებში გადაიღალა, და არ მოსულა.

– და მაინც, ვის რჩევას დაემორჩილეთ...

– კი ბატონო, ზვიად კვაჭანტირაძე იყო ჩვენი. იგი კარგი დიპლომატი და პოლიტიკოსია. მან ადამიანურად გვიჩინა: „შექმნილი სიტუაციიდან გამომდინარე, ხომ არ ავობებდა აქციის შეწყვეტა...“ გადაწყვეტილება აქციის ყველა მონაწილემ ერთად მივიღეთ. ჩვენ ველოდებით სამართლიანობას, თორემ კარგად ვაშლა ყოველთვის შეიძლება... ეს „გადასტომა გადმოხტომები“ უნდა დამთავრდეს... სახელმწიფო არ აშენდება ვიდაციის მუქარებით. სახელმწიფო კონსტიტუციამ უნდა მართოს. ორხელისუფლებიანობა სამ თვეში დასრულდება და სამართალი ჭამს პურს...

# „სტილობენ ეს მოძრაობა, ნაცმოძრაობის ფილიალად აქტიონ“



იმ დროს, როდესაც საქართველოს პრეზიდენტი დაბა ურეკში უძრავლესობის წარმომადგენლებთან შეხვედრას მართავდა, ოგურბეთის დემოკრატიული ჩართულობის ცენტრში ოგურბეთის საკრებულოს დეპუტატი ლელა ნაცვალაძე ჟურნალისტებს შეხვდა.

მან განაცხადა, რომ მუნიციპალიტეტის წინ აქციის შეწყვეტაზე აქციის ყველა მონაწილის აზრი ცალ-

სას იყო. აქცია დროებით შეჩერდა, რადგან არ გვინდოდა კარგებისა და „სეფის“ ფონზე შსს შესაბამისი სტრუქტურების მიერ მიმდინარეობდეს გამოძიება.

მან პროტესტი გამოთქვა „ქართული ოცნების“ თავმჯდომარის დავით დარჩიას მიერ ერთ-ერთ მდისაშუალებაში მიცემულ ინტერვიუში აქციისათვის „სამარცხენოს“ წოდების გამო. – „მას ბიძინა ივანიშვილის კურსულობა მეტ პასუხისმგებლობას აჯობებს“.

ნაცვალაძის თქმით, ოგურბეთში ამჟამად მიმდინარეობს კლანური ბრძოლა. კოალიცია „ქართული ოცნების“ ზოგიერთი ლიდერი ცდილობს ეს მოძრაობა ნაციონალური მოძრაობის ფილიალად აქციის და მასში აქტიურად მონაწილეობენ საკრებულოს დეპუტატები მყოფა, ვირკულიძე, კილუაძე და სხვები, რომლებიც ცდილობენ „ქართული ოცნების“ ადგილობრივი ორგანიზაციები მათთვის სასურველი კადრებით დააკომპლექტონ, რათა შეინარჩუნონ მომავალშიც თავიანთი სოფლებში ამომრჩევლებზე გავლენა.

ნაცვალაძე აცხადებს, რომ იგი არ შეეგუება ოგურბეთში მიმდინარე უსამართლო პროცესებს

# მოსახლეობა კვლავ ინტერესით ელოდება პრობლემის მოგვარებას

ნინო ნიკოლაიშვილი

– არ ველოდით, ასეთი ინტერესით თუ მოეკიდებოდნენ ჩვენი პრობლემების მოსმენას – გაკვირვებს ვეღარ მაღაფრებ ოგურბეთის მუნიციპალიტეტის წმინდა გიორგის ქუჩის მოსახლეები ადგილზე მისული ხელისუფლების წარმომადგენელთა სიმრავლის გამო.

შეხვედრა, რომელსაც მუნიციპალიტეტის საკრებულოს თავმჯდომარე ავთანდილ სურგულაძე, საკრებულოს ეკონომიკური განვითარების, ინფრასტრუქტურის და ურბანიზაციის კომისიის თავმჯდომარე თამაზ სალუქვაძე, ქალაქის მერი ლევან მეგლაძე, მუნიციპალიტეტის წყალკანალის უფროსი იასონ ცინცაძე, ინჟინერი დავით ცერცვაძე ესწრებოდნენ, დაიგემა კულტურულ-ჰუმანიტარული ფონდ „სოხუის“ ოგურბეთის სათემო კლუბ „ეკლიის“ წინა შეკრებაზე. მამინ დასახლების პრობლემათა უმთავრეს პრიორიტეტად წყლის პრობლემა დასახლდა. კლუბის მოვლარტორმა ქეთევან ქაღვიშვილმა ზემოაღნიშნული ჩინოფიკები ხალხს შესხვედრა და მათთვის თავად მოასმენინა. ქუჩას უწყლობა წლიობით აწუხებდა, არჩევნების წინა პერიოდში ნაქარვედ მოხდა მიწების გაცვანა, თუმცა გადათხრილი ორმოები, რომელშიც სისტემის წყალიც იღვრებოდა და ნიაღვრისაც, სერიოზულ დისკომფორტს უქმნიდა მათ. ამას დაემატა ისიც, რომ წყლის გადასახდი სწორედ მას შემდგომ დაუწყეს სულადობის მიხედვით, როცა სისტემაში წყალი გაუშვეს, თუმცა ამის შესახებ წყალკანალის წარმომადგენლებს არც სიტყვიერი, არც ოფიციალური ინფორმაცია მოსახლეობისთვის არ მოუწოდებია. ეკონომიკური შესაძლებლობებიდან გამომდინარე, რამდენიმე ოჯახმა მალევე შეიგნა წყალი ეზოში, ზოგმა კი მხოლოდ ორი-სამი თვის წინ მოახერხა მათთვის საკმარისი თვითმმართველი საშუალების გაწევა და ისიც მამინ, როცა მათ მიცხველები დაუდგეს (მიცხველების ღირებულებას 100 ლარს, თანდათან

გადასხვედრებენ ხალხს). ისინი აპროტესტებენ წყლის გადასახდის გადახდას გასული წლის ნოემბრიდან. საგადასახადო ქვითარი ზოგს სხვის სახელზე მიხდის და ესეც პრობლემებს უქმნის. შეხვედრაზე დაისვა წყლის ხარისხის საკითხიც. ავთანდილ სურგულაძისა და თამაზ სალუქვაძის თქმით, წყალკანალის თავად ველებოდა მიწების შექმნა, თუმცა მათ მუნიციპალიტეტის ხარჯებით შეუძინეს ის. ახლა კი, როცა აძენი პრობლემა დაგროვდა, უნდა მოხდეს შეთანხმება და ნაწილი თანხა მოსახლეობამ იზარალოს, ნაწილი კი წყალკანალმა. იასონ ცინცაძე შეჰპირდა მათ აღნიშნული ინფორმაციის შემდგომად მიწვდენას.

ქალაქის მერის ლევან მეგლაძის თქმით, ხელშეკრულება, რომელიც მოსახლეობას დაურიგდა მიცხველების დადგმის შემდგომ, არის კაპალური და მხოლოდ ცალმხრივ ვალდებულებებს ითვალისწინებს. – გაურკვეველია, როგორ უნდა მოუაროს საკმარისი თვითმმართველ მიცხველებს ხალხმა, ძლიერი ყინვის, ან უამინდობის პერიოდში. საყურადღებოა წყლის ტარიფები, როცა ჩვენში წყალი ხშირად თვითმმართველი მიწის და ნაკლებ ხარჯებთანაა დაკავშირებული, რატომ უნდა ხელბოდეს ერთნაირი საფასურის გადახდა სხვადასხვა შემთხვევაში. ასევე პრობლემას უქმნის მიცხველებზე წყლის პერიოდული წვეტა, როცა წყლის ნაცვლად მიცხველში პერიოდულად ჰერი გაედინება ძლიერი წნებით და ჩვეულებრივ ააშუშავებს.

ამ საკითხებზე სპეციალისტებს პასუხი არ გაუციათ.

შეხვედრიდან მერე დღეს დაგვირგეს და გვთხრეს, რომ ორმოები და დაზიანებული მიწები შეკეთდა, ნაწილობრივ შედეგანად გადაწყდა რამდენიმე საკითხი, თუმცა მთავარი, პრობლემის მოგვარებას მოსახლეობა კვლავ ინტერესით ელოდება

# გადლობა სიკეთისათვის

კულტურულ ჰუმანიტარული ფონდ „სოხუის“ ოგურბეთის ქალთა კლუბის მორიგი შეხვედრა ოგურბეთის დემოკრატიული ჩართულობის ცენტრში გაიმართა. შეხვედრას ფონდის წარმომადგენლები ემა კანკია და მანანა ლეშაშვილი ესწრებოდნენ. წინა შეხვედრაზე კლუბის ერთ-ერთი წევრის ოჯახის მძიმე ეკონომიკურ პირობებზე ისაუბრეს. მიმართეს ბიზნესმენ ვია ზუგუას და სთხოვეს მის წარმოებაში კლუბის

წევრთა ერთდღიანი დასაქმება, რათა გამოუმუშავებული თანხით შესაძლებლობა ჰქონოდათ ავადმყოფისთვის წამლების შექმნისა – „გია ზუგუაძე მამინე ჩავვირცხა ჩვენს მიერ დასახლებული თანხა (100ლ.). კლუბის სახელით მადლობას გუხვდით მას სიკეთისათვის.

კლუბის წევრები შეხვედრით საკრებულოს თავმჯდომარეს, რომელმაც ასევე აღვითქვა დახმარება.

# „თვითმმართველობა - ეს ჩვენ პარტი“

### აღრიდა ავად თუ კარვად ჩვენ ჩვენი თავნი ჩვენადვე გვეყვარება, მით იყვის უკედ. აღრიდა მისი მრობის, გული გულობის, ვაჟი ვაჟადის, ძალი ძალადის....

-თვითმმართველობა -ეს ჩვენ ვართ -აცხადებს სოფელ თხინვალში მოქმედი სათემო კავშირი „იმედი“, იზიარებს ილიას ნააზრევს „მგზავრის წერილებიდან“ და საზოგადოებრივი სათათბიროს ჩამოყალიბებით დღევანდელ რეალობაში დეცენტრალიზაციის განხორციელების საკუთარ მოდელს გვთავაზობს:

**კობა ცხრცვაძე** სათემო კავშირ „იმედი“-ს წარმომადგენელი: გურიის რეგიონის, ოზურგეთის მუნიციპალიტეტის სოფელ თხინვალში ხორციელდება პროექტი „თვითმმართველობა-ეს ჩვენ ვართ“. პროექტის მიზანია, სათემო კავშირ „იმედი“-ს ბაზაზე შესაბამისი ცოდნით, უნარ-ჩვევებითა და თანამედროვე ტექნიკით აღჭურვილი საზოგადოებრივი სათათბიროს ჩამოყალიბება, რომელიც უნდა გახდეს შემაკავშირებელი მოსახლეობასა და ხელისუფლებას შორის, უნდა შეავსოს, სრულყოფს და გააქტიუროს დღეისათვის არსებული თვითმმართველობა.

პროექტის ფარგლებში ახლად შექმნილი სათათბიროს სრულყოფისა და მიზანმიმართულად წარმართვისათვის ჩვენს მუნიციპალიტეტში არსებული გამოცდილი და წარმატებული არასამთავრობო ორგანიზაციები, რომლებთანაც გვაკავშირებს პარტნიორული ურთიერთობები, საკუთარი რესურსებით უსაყვადოდ დაგვეხმარნენ პროექტის განხორციელების გრაფიკით გათვალისწინებული აქტივობების ჩატარებისას, რაც ამოინათა საზოგადოებრივი სათათბიროსათვის ამ ორგანიზაციების გამოცდილებისა და კომპეტენციის შესაბამისი ტრენინგ-სემინარების ჩატარებასა და დებატების წარმართვას.

დღი მდღიერებით აღნიშნავთ მშვიდობის, დემოკრატიისა და განვითარების კავკასიური ინსტიტუტის თანადგომასა და დამსახურებას პროექტის წარმატებით განხორციელებაში.

საზოგადოებრივი სათათბიროს ფუნქციონირებისათვის შესაბამისი გარემოსა და პირობების შესაქმნელად რეგისტრირებული სათათბიროს ოთახს, შექმნილი იქნა მრავალი მგვიდა სკამებით, ციფრული ფოტოაპარატით, პროექტორით ეკრანით, საკანცელარო მასალები, პრინტერი, კომპიუტერები ინტერნეტში ჩართვით, რომელიც სათათბიროს საჭიროებების პარალელურად შესაძლებელს გახდის თემში კომპიუტერული სწავლების კურსების ამოქმედებას.

პროექტის განხორციელებით მოხდება ქვემოთ-უნარინი სათათბიროს ჩამოყალიბება. შექმნილი ცოდნისა და უნარ-ჩვევების გამოყენებით წევრები შეძლებენ სწორად წარმოაჩინონ პრობლემა, მოახდინონ მის ირგვლივ ყველა საჭირო ინფორმაციის შერჩევა და გაცვლა მოსახლეობასთან თავთავიანთ უბნებში, ჯანსაღი დებატების გამართვით და არგუმენტების მოძიებას.

**მინდია სალუქვაძე**  
ახალგაზრდა მეცნიერთა კლუბის გამგეობის თავმჯდომარე  
e-mail: info@guria.ge

ჩვენს ორგანიზაციას თავისი მიზნებიდან გამომდინარე არაერთი პროექტი განუხორციელებია გურიის რეგიონის ტერიტორიულ ერთეულებში მოქმედ სათემო კავშირებთან, განხორციელებული პროექტებიდან, ერთ-ერთი ყველაზე პროდუქტიული თხინვალის სათემო კავშირ „იმედი“-ს თანამშრომლობა იყო, მათთან ერთად შემუშავებული გეგმის 5 წელზე გათვლილი სოფლის განვითარების სტრატეგიული გეგმა. პრობლემების იდენტიფიკაციითა და საგარეულო ხარჯთაღრიცხვებით, პროექტის ფარგლებში ჩატარებულ ტრენინგ-სემინარს თემაზე: „მონაწილეობითი სტრატეგიული დაგეგმვა“; „ეფექტური კომუნიკაცია-პრეზენტაციის უნარ-ჩვევები“; „სახს-

**ნათია ვიზიაძე**  
„სტუდენტურ-ახალგაზრდული სათათბიროს“; გამგეობის თავმჯდომარე  
[www.syc.ge](http://www.syc.ge)

მისასაღებელია ისეთი სათათბირო ორგანიზაციის ჩამოყალიბება თემში, რომელიც გააერთიანებს პროგრესულად მოახლოვნილ ადამიანთა ჯგუფს და ამაჯობოლებს დახმარებას გაუწევს ადგილობრივი თვითმმართველობის ორგანოებს, უფრო მეტად ეფექტურად გამოავლინონ და გადაჭრან თემის წინაშე მდგარი პრობლემები, ხოლო პრიორიტეტები კი მორგებული იქნას ადგილობრივი საზოგადოების საჭიროებებსა და ინტერესებს. როცა ცალკეული საჭიროებოტო საკითხის გამოვლენა და დღის წესრიგში

ტირებული დასაბუთებით შეძლებენ თემისთვის ყველაზე სასარგებლო გადაწყვეტილებების მიღებას. ერთად გაერთიანებულნი ირწმუნებენ რა საკუთარ შესაძლებლობებს გადაწყვეტილების მიღებაში, უფრო მეტად მოტივირებულნი გახდებიან ადონ პასუხისმგებლობა მათ მიერ მხარდაჭერილი პროექტებისა და საქმიანობების წარმატებით შესრულებაზე, იზრუნებენ რომ მოიძიონ მხარდამჭერები, შექმნან პრობლემის გადაჭრით დაინტერესებულ პირთა ჯგუფები, შეძლონ ჩასატარებელი საქმიანობების მართვა.

ინტერნეტისა და კომპიუტერების გამოყენების შესწავლით დაინტერესებულ პირებს საშუალება მიეცემათ გაეცნონ ახალ ტექნოლოგიებს, თავადვე მოიძიონ, შეაფასონ პროექტები და აქტიურად მიიღონ მონაწილეობა დონორი ორგანიზაციების მიერ გამოცხადებულ კონკურსებში, იზრუნონ ადგილზე არსებული პრობლემების საკუთარი ძალებით მოგვარებაზე, დაეუფლონ საკუთარი თავის, სოფლის, ქალაქის, შეძლებისდაგვარად ქვეყნის მართვის ხელოვნების საფუძვლებს.

სწორედ ამ ურთიერთობებში უნდა შესრულოს საზოგადოებრივმა სათათბირომ თემის გააქტიურების, მოსახლეობის მობილიზების, თვითმმართველობის სრულყოფის ფუნქცია, სადაც აქტიურ მოსახლეობას ექნება საშუალება თქვას: „თვითმმართველობა - ეს ჩვენ ვართ“. გარდა ზემოთმოყვანილი საკითხებისა საზოგადოებრივი სათათბიროს მსჯელობისა და შესაბამისი გადაწყვეტილების მიღებისა და განხორციელების საგანი იქნება 2011 წელს ახალგაზრდა მეცნიერთა კლუბის დახმარებით შემუშავებული ჩვენი სოფლის განვითარების სტრატეგიული მიმართულებებით გათვალისწინებული საქმიანობები.

გვაქვს ჯანსაღი ამბიცია იმისა, რომ ჩვენს სოფელში შექმნილი სათათბირო გახდება დღეისათვის სოფლად არსებული თვითმმართველობის შემავსებელი რგოლი და იქნება სანიშნო სხვა თემებში ადგილობრივი თვითმმართველობის გაჯანსაღებით დაინტერესებულ პირთა ჯგუფთათვის. ასევე მუნიციპალიტეტის თვითმმართველობასაც მიეცემა საშუალება გაიზაროს გამოცდილება და უფრო მეტად იზრუნოს შესაბამის თემებში სამოქალაქო თანამონაწილეობით დაგეგმვასა და გადაწყვეტილების მიღების სრულყოფაზე.

რების მოძიებას. მოსახლეობა თვითმმართველობას ხშირად აღიქვამს არა როგორც საკუთარ უფლებას, არამედ როგორც ხელისუფლების წარმომადგენლობას.

რეალურ თვითმმართველობას ახორციელებს არა სახელმწიფო მოხელეები, არამედ მოსახლეობა და მის წინაშე ანგარიშვალდებულ თვითმმართველობის ორგანოები. საქართველოს კონსტიტუციის მიხედვით თვითმმართველობა მოქალაქეთა უფლება და შესაძლებლობაა, სოფელ თხინვალში საზოგადოებრივი სათათბიროს ჩამოყალიბება კარგი სტიმული იქნება ამ სოფლის მოსახლეობისათვის, რათა გააქტიურდნენ, საინტერესო წინადადებები მოაწოდონ, ითანამშრომლონ თვითმმართველობასთან და მნიშვნელოვანი ცვლილებები განახორციელონ თავის სამოქალაქო არეალში, გაკლენა მოახდინონ თავისი სოფლის უკეთესი მომავლის შექმნაზე.

დაყენება უშუალოდ მიმდინარეობს ადგილობრივი საზოგადოებიდან, ეს უფრო ზრდის მის მოტივაციას, იყოს ჩართული კონკრეტული პრობლემის მოგვარების საკითხებში, უბრალოდ იყოს აქტიური მოქალაქე, იცხოვროს თემში და იზრუნოს მის კეთილდღეობაზე.

ის მეთოდიკა, რაც პროექტით („თვითმმართველობა ეს ჩვენ ვართ“) წარმოადგინა სათემო კავშირმა „იმედი“, ხელს შეუწყობს მოქალაქეების სათანადო ცოდნით და უნარ-ჩვევებით აღჭურვას, რომ გაიზარონ და დასაბუთებულად წარმოაჩინონ მათი თემის წინაშე არსებული პრობლემატური საკითხები, სრულფასოვნად ჩართონ თვითმმართველობის განხორციელების პროცესში, ხოლო მათი აქტივობა კი მისაბაძი გახდეს რეგიონში არსებული სხვა თემებისთვისაც.



**ავთანდილ სურბულაძე**, საკრებულოს თავმჯდომარე: —მნიშვნელოვანი პროექტია, რომელიც ხელს შეუწყობს დეცენტრალიზაციის განხორციელებას. მიმანია, რომ ასეთ პროექტებში მოსახლეობის ჩართულობა მეტად უნდა გაიზარდოს.

**მარინა სუნუღია**, კოალიცია „ქართული ოცნების“ წევრი, რესპუბლიკური პარტია:— სოფლის პროგრამების ხარჯთაღრიცხვის გამჭვირვალობა აუცილებელია. სათემო კავშირმა „იმედი“ მაგალითი მოგვცა, თუ რას ნიშნავს ადგილობრივი პროექტების გამჭვირვალობა. ზოგადად საზოგადოების განვითარებას სახელმწიფო უნდა უწყობდეს ხელს.

**ლიმიტრი კვიციანი**, საკრებულოს წევრი, კოალიცია „ქართული ოცნების“ წევრი, თავისუფალი დემოკრატიის ოზურგეთის ორგანიზაციის თავმჯდომარე:— დღეს ადამიანების ჩართულობა თვითმმართველობების პროცესებში არ არის. ყველაფერი მოდის ზემოდან. ამიტომ ადამიანების ჩართულობა თვითმმართველობის პროცესებში უნდა გაიზარდოს. ადგილზე უნდა შეიქმნას თვითმმართველობები, რომლის მაგალითს ჩვენ ვხედავთ სათემო კავშირ „იმედი“-ს ხსით.

**თამარ სომხრიძე**  
გამგეობის თავმჯდომარე  
გურიის აგრობიზნესცენტრი  
E-mail: [guria\\_abc@mail.ru](mailto:guria_abc@mail.ru)  
[www.gabc.ge](http://www.gabc.ge)  
**ორგანიზაციის მიზნები:** სოფლის მეურნეობისა და ბიზნესის განვითარება; დემოკრატიული პროცესების ხელშეწყობა და სამოქალაქო საზოგადოების გაძლიერება.

გურიის აგრობიზნესცენტრსა და სათემო კავშირ „იმედი“-ს მრავალწლიანი წარმატებული თანამშრომლობითი ურთიერთობა გააჩნია. ერთობლივად განხორციელებულა არაერთი აქტივობა, რაც თემის განვითარებას უწყობდა ხელს. დღეისათვის გურიის აგრობიზნესცენტრი ჩართულია სათემო კავშირის მიმდინარე პროექტში „თვითმმართველობა, ეს ჩვენ ვართ“, რომლის

**ლევან სინთიბიძე**, საქართველოს დემოკრატიული განვითარების კავშირი, ადმინისტრაციული დირექტორი, ვებ გვერდის მისამართი: [www.sdgc.org.ge](http://www.sdgc.org.ge)

თხინვალის სათემო კავშირ „იმედი“-ს ჩვენს ორგანიზაციას გააჩნია მრავალწლიანი საქმიანი ურთიერთობები, რომელიც გამოიხატება მათთან ერთად სხვადასხვა პროექტების განხორციელებაში, კერძოდ ვერაზის თანამშრომლობის ფონდის მიერ დაფინანსებულ პროექტში — „სახალხო ინიციატივები დემოკრატიისათვის“ და მართვის საერთაშორისო სისტემების (MSI-GEORGIA) მიერ მხარდაჭერილი 3 პროგრამის ფარგლებში დაფინანსებულ პროექტში — „საზოგადოებრივი ინიციატივები ცვლილებებისათვის“

ორივე ზემოაღნიშნული პროექტი ემსახურება ოზურგეთის მუნიციპალიტეტში, ადგილობრივი ხელისუფლების დონეზე, გადაწყვეტილების მიღების პროცესში საზოგადოების პრაქტიკული ჩართვის ხელშეწყობას, სამოქალაქო მონაწილეობის მხარდაჭერის გზით. ანუ მათი მთავარი მიზანია გახდეთ: ეფექტური საჯარო პოლიტიკის ხელშეწყობა და მოსახლეობის გააქტიურება გადაწყვეტილების მიღების პროცესში.

ამ პროექტების ფარგლებში თხინვალის სათემო ორგანიზაციისთვის, ასევე სხვა სათემო ჯგუფებისთვის ჩატარდა სემინარ ტრენინგები შემდეგ თემებზე: „ადგილობრივი თვითმმართველობის არსი: სამოქალაქო მონაწილეობა და საზოგადოებრივი მონიტორინგი“. ყველა ამ აღნიშნულ პროექტში სათემო კავშირი „იმედი“ გამოიჩინა თავისი აქტიუ-

ფარგლებშიც, თხინვალის თემის აქტიური წევრებისთვის, ორგანიზაციის თვისებების მიერ მოხდა სემინარის ორგანიზება ადამიანის უფლებების დაცვის საკითხებზე.

აღსანიშნავია, რომ თხინვალის თემში განხორციელებული პროექტი ხელს უწყობს საზოგადოებრივი ჩართულობის ზრდას სათათბირო ორგანოს შექმნის გზით. მნიშვნელოვანია საზოგადოების გააქტიურება ადგილობრივი გადაწყვეტილების მიღების პროცესში. სათათბირო ორგანოს შექმნა არის ერთგვარი მდელი დაგეგმილი თვითმმართველობის რეფორმის პროცესში, როდესაც სოფლის მოსახლეობის მიერ საერთო კრებებზე მიღებული გადაწყვეტილება პრიორიტეტული საჭიროებების შესახებ, გათვალისწინებული უნდა იქნეს ადგილობრივი ხელისუფლების მიერ სოფლის პროექტების დაგეგმვისა და ბიუჯეტირების პროცესში.

რობითა და ნოვატორული ინიციატივებით სოფლის ადგილობრივი პრობლემების მოგვარების პროცესში, დაწყებული პრობლემების შერჩევით და დამთავრებული ხელისუფლების მიერ სოფლის პროექტების ხარისხობრივად შესრულების მონიტორინგით

რაც შეეხება პროექტს „თვითმმართველობა ეს ჩვენ ვართ“, იგი გახლდათ ხელშეწყობი ფაქტორი — საზოგადოების ხელისუფლებასთან დაახლოების პროცესებისა და ამასთან დროული მისია შესრულა თვითმმართველობის ახალი რეფორმის მოთხოვნების პროცესებთან მიმართებაში, რაც გულისხმობს სამომავლოდ საზოგადოებრივი თვითმმართველობის განხორციელებას უკვე სოფლის დონეზე. ამით ფაქტობრივად რეფორმის წინამოსაზრდელი სამუშაოები თხინვალში უკვე გაიარა, რაც უდაოდ „იმედის“ დამსახურებაა.

ახლა უკვე საჭიროა რომ ამ მიმართულებით მოქმედებები არ შეჩერდეს, უნდა გაგრძელდეს ხელისუფლებასთან მუდმივი დაილოგის რეჟიმი, რამაც უკვე მეტ-ნაკლებად ამ სოფელში ტრადიციული ხასიათი მიიღო და „იმედის“ ბაზაზე უნდა ჩამოყალიბდეს ერთგვარი სათათბირო ორგანო, რომელიც რეკომენდაციებს და შენიშვნებს მიაწვდის ხელისუფლებას მათ მიერ გადაწყვეტილების მიღების დროს. თუნდაც ეს იყოს სოფლის პრობლემების შერჩევა და მათი გადაჭრის გზების ძიება. აქედან გამომდინარე ყველას უნდა ესმოდეს რომ თვითმმართველობა, ეს არის საზოგადოების უფლება და ყველა გადაწყვეტილება მასთან შეთანხმებით უნდა იქნეს მიღებული.

# „დარაბებს მიღმა გაზაფხულია“



ეკიმობა ცალკეულ პიროვნებათა ზეგონებზე, რომელსაც აქვს შინაგანი მოწოდება „გააკეთოს კეთილი საქმე, ქვაზე დადოს და არ დაელოდოს შედეგს, არამედ გააგრძელოს სიკეთის თესვა.“ ეკიმობა დიდი მადლის მატარებელია, დიდ პასუხისმგებლობას მოითხოვს, რადგან დაშვებული მცირე შეცდომა ადამიანს აყენებს არა მარტო ხორციელ ტკივილს, არამედ სწირავს მას, მთელი ცხოვრება სულიერი ტკივილით იცხოვროს.

ქვეყანაში მიმდინარე სამედიცინო რეფორმა, როცა შემცირდა საავადმყოფოთა საწოლი ადგილები, არსებული მძიმე ეკონომიკური პირობების გამო რაიონის მოსახლე-

ბის უმეტესი ნაწილი შოკის მდგომარეობაში იყო მისული. თითქოს ხსნა არსაიდან იყო, რაიონში გამოჩნდა ადამიანი, რომელმაც დააფუძნა ალტერნატიული სამკურნალო დაწესებულება, სამედიცინო დახმარება გაეწია ხელმოკლე, შეჭირვებული ოჯახებისთვის ხელმისაწვდომ ფასებში, გაეწია ამბულატორიული მკურნალობა, სამედიცინო კონსულტაცია, დახმარებდა უნარშეზღუდულ ავადმყოფებს, ჩატარებინა მის ხელთ არსებული, სამედიცინო-სადიაგნოსტიკო კვლევა.

ეს უპრეტენზიო ადამიანი დააბიჯებს ჩვენს შორის. სანდომიანი სახითა და თბილი, კეთილი თვალებით ცდილობს უსაშურად აკეთოს საქმე, რათა მეტ ადამიანს მოეგაროს შეგება, ისე, როგორც ყველა ადამიანს, მასაც ემატება წლები, თმაში ჭაღარა და 65 წლის ავთანდილ ჩხიკვიშვილი გრძელვადიანი სამედიცინო პროგრამის ჭვრეტის მომავლის იმედით, დაუღალავი, ენერგული, ჩვენთვის საყვარელი მსახიობის რეზო ჩხიკვიშვილის ფინანსური და მორალური მხარდაჭერით, ცდილობს ყველამ იგრძნოს რომ, „დარაბებს მიღმა გაზაფხულია“, სიცოცხლე უნდა გაგრძელდეს და სიკვდილის კარი ჩაიკეტოს. იმედების ახდენა, სიხარული და ბედნიერება ნუ მოგკლებოდეთ ბატონო ავთო თქვენ, და თქვენს ცოლშვილს, რადგან თქვენი სანთელივით წვა ბევრისთვის სინათლისა და სითბოს წყაროა.

**სამკურნალო ცენტრ „კლვიანი“ მოღვაწე თამაზი მგობრიანი და კოლეგები.**

## ოზურგეთის მოსწავლეთა პირველობაზე

ოზურგეთის საჩოგბურთო კორტებზე მთელი კვირის განმავლობაში მიმდინარეობდა მოსწავლეთა პირველობა ჩოგბურთში, რომელშიც 8 უძლიერესმა ჩოგბურთელმა (ვაჟები, ქალები) მიიღო მონაწილეობა.

შაბათს ფინალური შეხვედრები გაიმართა. ირაკლი ქუტიძემ (№2 სკოლა) ორ სეტში (6:1; 6:2) სძლია ზურაბ ქავთარაძეს (№1 სკოლა) და ტურნირის გამარჯვებული გახდა.


ვაჟებს შორის მესამე ადგილზე ირაკლი კაცაძე გავიდა (IV სკოლა).

გოგონებს შორის ფინალურ შეხვედრაში ანი მუჯირმა (№4 სკოლა) სძლია ანა მიქაბაძეს (№1 სკოლა) (6:1; 6:4). აქ მესამე ადგილზე პირველსკოლელი ხათუნა ქავთარაძე გავიდა.

ტურნირის მსავლობა დავით თავართილაძე, ტურნირის გამარჯვებულები დიპლომებით, მედლებით და თასით დაჯილდოვდნენ, ხოლო პრიზიორებს შესაბამისი დიპლომები გადაეცა.



უახლოეს დღეებში ჩოგბურთის კორტებზე წელს რიგით მესამე ტურნირი გაიმართება. „მოდერნის“ თასზე დია პირველობა გაიმართება, რომლის განაცხადშიც უკვე არაერთმა ჩოგბურთელმა გამოთქვა მონაწილეობის სურვილი.



## იური ჩისლაძე

ორი წლის წინ, 27 ივნისს, იხმე ბაილო სასუფეველი ცათა, უზალს მიმავლა სული მოკვდავის... უმკვლავაში დაიღო ბინა. ისინი კი, ვინც იცნობდა, ან ხმამაღლა ცოტა რა გაინც იური ჩისლაძე, მზარე სინანულმა შვიკრო - ტკივილმა გაიარა გულში, მაშულიშვილი დაკარგა მრგა. უსაზღვროდ დიდი სიჭკარულის და სიკამითის კაცი.

ახლა საფლავის ძვირად ილიმის მისეული უზადო ღიმილით, და ამ ღიმილში იკითხება - „ნმტარ არიან“... გითავაზობთ ღმრთობის კრამულიდან „მუშის გვირგვინი“ 1991 წელი.

### კაცი კეთილი

იყო კაცი და სიყვარულს იგონებდა, მერე ამ სიყვარულს წერდა სტრიქონებად, კაცი იყო მაგრამ, ბავშვის გული ელო, ყველა გაჭირვებულს შარავანდად ენთო. ჰქონდა სათნოების ნიჭი საოცარი, სიყვარული იყო მისი სალოცავი, ბავშვზე უკრთოდა ცისფერი ღიმილი და მწარედ სტკიოდა ვიღაცის ტკივილი. ძლიერ უხაროდა თამასი ბავშვურ წლებთან, დამშეულ სულებს მადლით აპურებდა. მარტოკა უყვარდა დარჩენა ფიქრებთან, ყველა ზომის ტკივილს უსაზღვროდ ითმენდა. ჭეშმარიტების გზა თვითონ ურჩევია, ვიღაც წარღვნიდან გადაურჩენია, გული სიყვარულით ჰქონდა გაყოფილი, მცირედი სიკეთით რჩებოდა კმაყოფილი. დაჭრილი სიმღერის ჰანგები უყვარდა, დაღლი-დაქანცული ჯდებოდა ბუხართან, სიკეთის გულისთვის რას არ იღონებდა, თუ დასჭირდებოდა, კიდევ იომებდა. დილაძე ათასგვარ სიყვარულ იგონებდა მერე ამ სიყვარულს წერდა სტრიქონებად.

### მოგონება

ძველი ალბომის გაცრეცილ ფურცლებს, ხელის კანკალით გადავშლი როცა,

თვალწინ ჩრდილივით აისვეტები, და მარადიულს გეზაზანი ლოცვას... ვარდების თეთრი გირლიანდებით, მოვედი შენი საფლავის ქვასთან, ვიძე დედი... ეს მარტობა... მითხარ როდემდის... როდემდის გასტანს... დღეს მოვინება მეხსია ციდან, ქარმა შემასხნა ოქროს ღილები, ვედარ გამათბობს მზე გაზაფხულის, და მე უშენოდ გავიყინები. მე, საღვაც სიხმარ-სიხმარ დავეძებ, შენს სულს, შენივე ცრემლივით წმინდას, ამ უბედობას საით გავექცე. დაკეტილია გზა ყველა მხრიდან. წლები რომ უმოწყალოდ მიუღავენ, ეს უშენობის ალბათ ბრალაია, დროს ვერ აჩერებს დედი ვერავინ, დროს ჩვენთვის უკვე აღარ სცალია, მე კი ცხოვრების დიდი ომიდან, დამარცხებული ვდგევარ უშენოდ, შენი ფერება ისევ მომინდა და მითხარ ამას რითი უშეველო. მზეო ამოდი, სხივი გამათბე, ღამე გათენდი, დღეო დაღამდი, ბედო, უბედოდ ნუ მიმატოვებ, მოწყინდა ობოლ სულთან დაღადი.

## ... ადამიანის სულის ანაბეჭდი...

### თიმიშრაჟ ქილიფთარი



სატელეფონო ზართან ამხმანეს შენი სახელი!

გარდაიცვალა! სასაფლაოს მწვანე სიმშვიდის მკვიდრად იქცი!

გვებ დამძიმებული სული სიტყვებს მიწებებულმა სურვილმა შემომსუბუქოს?! დამხმარე არქიმანდიტ რაფაელს ვუხმობ: „ყოველი საფლავი რაღაც საიდუმლოს ინახავს - ზოგი ჩაძინებულ ბავშვს აკვანს ჰვავს, ზოგი უხილავ ნათელს ასხივებს, ზოგიერთიდან კი, თითქოს, გმინვისა და გოდების ხმა ისმის.

საფლავი სხვა რამეა, ეს არის ადამიანის სულის ანაბეჭდი... ზოგიერთ საფლავთან თავს კარგად და მსუბუქად ვგრძობთ, ზოგს კი, თითქოს, ამძიმებს საფლავის ქვა...“

შენს სულს და სხეულს საფლავის ქვა არ დაამძიმებს!

რატომ? შენ ხომ სიღრმისეულად გქონდა გაზრებული შეგონება: „ნუ მიგატოვებთ ერთმანეთს, როცა ერთმანეთს ვჭირდებით!“ - მიგითოვებია ვინმე გასაჭირისას? - არა და არა!

გულისძიერი სიკეთით იყავი სავსე, გასცემდი და არ ითხოვდი, თანადგომის უნარც გქონდა და ხელის მადლიანი გაწველის დიდოსტატად ვიცნობდნენ! შენ, არც ადამიანის მიტოვება შეგეძლო, არც საქმის!

შენით გაოცებულს ბევრჯერ გამხსენებია: „მთავარი გვაფიქვება - ერთმანეთისკენ სავალი გზა!“

არასდროს დავგეწყებია სამგობრო გზა! კარვის აღთქმა შეგეძლო და გაჭირვებულის ტკივილის გაზიარებაც! ჩემში საოცარი განცდით შემოდი და... გაბატონდი!

არც არასდროს დამიხსნა შენთვის სახელი!

-ბატონიშვილო!

-თურო!- ასეთი იყო ჩვენი შეხმანების სტილი.

შენ ჩემს ცხოვრებას ადამიანური სიძალის დანახვის საშუალება მიეცი!

შენი სახელი ყოველთვის წარმატებოთაც ხმანებდა! - ლამაზი ოჯახის თავკაცი, შესანიშნავი მეუღლე და სანიშნავი შვილების მამა, ერთგული მეგობარი ყველასთვის ხელისგამწველომი, თანამდგომი და ჭირისუფალი!

შენ, მე, ცხოვრება შემომსუბუქე, გამილაზრე... შენ, მე, ოროთხანანი ბინა მარუქე!

„მის „საქართველოს საერთაშორისო ენერჯეტიკული კომპანიის“ ბუქუქისის კოლექტივი თუწყება, რომ გარდაიცვალა „ბუქუქისის“ ერთ-ერთი დამფუძნებელი, ლუწულმოსილი ინჟინერი, ახალგაზრდა თაობის აღმზრდელი **თიმიშრაჟ მკარისი** ამ **ქილიფთარი** და თანაგრძობას უცხადებს განსვენებულის ოჯახს.

გაზეთ „ალიონის“ რედაქცია თუწყება **თიმიშრაჟ ქილიფთარის** გარდაცვალებას და თანაგრძობის განსვენებულის ოჯახს.

გაზეთ „ალიონის“ რედაქცია და ყოფილი „ოზურგეთის სტამბის“ კოლექტივი თუწყება **მლქმე (ლუსია) მამულაიშვილი-ოხვანი-იშვილის** გარდაცვალებას და თანაგრძობის განსვენებულის ოჯახს.